



Ministarstvo za obrazovanje, nauku, kulturu i sport Zeničko-dobojskog kantona, u skladu sa članom 18. stav (1) Zakona o kantonalnim ministarstvima i drugim tijelima uprave ("Službene novine Zeničko-dobojskog kantona", broj: 10/15), članom 24. i 25. Zakona o osnovnoj školi ("Službene novine Zeničko-dobojskog kantona", broj: 3/18), članom 29. i 30. Zakona o srednjoj školi ("Službene novine Zeničko-dobojskog kantona", broj: 9/17), a shodno Zaključku Vlade Zeničko-dobojskog kantona (akt broj: 02-34-15707/20 od 18.09.2020. godine), kojim je data saglasnost Ministru Ministarstva za obrazovanje, nauku, kulturu i sport Zeničko-dobojskog kantona za potpisivanje Memoranduma o razumijevanju sa Organizacijom za sigurnost i saradnju u Evropi - Misija "OSCE"-a u Bosni i Hercegovini o provedbi Projekta "Kvalitetno obrazovanje kroz kurikularnu reformu", raspisuje:

JAVNI POZIV ZA RECENZENTE PREDMETNIH KURIKULUMA ZA REDOVNE OSNOVNE ŠKOLE I GIMNAZIJE U ZENIČKO-DOBOJSKOM KANTONU

I.

Recenzenti predmetnih kurikuluma za redovne osnovne škole i gimnazije u Zeničko-dobojskom kantonu, treba da ispunjavaju sljedeće kriterije za izbor:

- da su državljani Bosne i Hercegovine;
- da imaju završen odgovarajući fakultet i stečeno zvanje magistra struke, magistra nauka ili doktora nauka;
- da imaju najmanje pet (5) godina iskustva u području odgoja i obrazovanja i/ili nauke, stečeno:
 - radom u nastavi ili u odgojno-obrazovnim ustanovama i/ili
 - radom u istraživanjima u odgoju i obrazovanju i/ili
 - učešćem u razvojnim projektima usmjerenim na unapređenje odgojno-obrazovnog sistema;
- da poznaju sistem odgoja i obrazovanja u Kantonu i BiH, a poželjno je i poznavanje sistema odgoja i obrazovanja u regionu i šire;
- da poznaju relevantne dokumente obrazovnih politika u BiH, kao i koncepte ishoda učenja i standarda učeničkih postignuća nastavnog/ih predmeta za koji se prijavljuje;
- da posjeduju iskustvo na planiranju, izvođenju i vrednovanju nastavnog/ih programa nastavnog predmeta/nastavnih predmeta za koji/e se osoba prijavljuje, a što je vidljivo u objavljenim stručnim ili naučnim radovima, pripremi nastavnog/ih programa i/ili učešću u razvoju Zajedničke jezgre nastavnih planova i programa definisane na ishodima učenja;
- da su angažirani na metodici nastave nastavnog/ih predmeta za koje se prijavljuje;
- da posjeduju iskustvo u recenziranju nastavnih programa/kurikuluma što je vidljivo u broju i predmetu objavljenih recenzija;
- da nisu već angažirani kao voditelji/ice ili članovi/ice predmetnih randih grupa za izradu nacrtu predmetnih kurikuluma u sklopu Projekta "Kvalitetno obrazovanje kroz kurikularnu reformu" koji se implementira u Zeničko-dobojskom kantonu;
- da nisu uposlenici Ministarstva za obrazovanje, nauku, kulturu i sport Zeničko-dobojskog kantona.

II.

Potrebni su recenzenti za sljedeće nastavne predmete, odnosno grupe nastavnih predmeta (ukupno 50):

- 1 recenzent za nastavni predmet **Matematika (razredna nastava);**
- 2 recenzenta za nastavne predmete **Matematika/Nacrtna geometrija (predmetna nastava);**
- 1 recenzent za nastavni predmet **Bosanski/Hrvatski/Srpski jezik i književnost (razredna nastava);**
- 2 recenzenta za nastavni predmet **Bosanski/Hrvatski/Srpski jezik i književnost (predmetna nastava);**
- 2 recenzenta za nastavne predmete **Moja okolina, Priroda, Društvo, Kultura življenja;**
- 2 recenzenta za nastavni predmet **Biologija;**
- 1 recenzent za nastavni predmet **Fizika;**
- 1 recenzent za nastavni predmet **Hemija/Kemija;**
- 2 recenzenta za nastavni predmet **Historija/Povijest/Istorija;**
- 2 recenzenta za nastavni predmet **Geografija/Zemljopis;**
- 1 recenzent za nastavne predmete **Filozofija s logikom, Sociologija, Etika;**
- 1 recenzent za nastavne predmete **Psihologija, Pedagogija, Didaktika-Metodika;**
- 2 recenzenta za nastavne predmete **Građansko obrazovanje, Kultura i zajednica, Demokratija i ljudska prava, Kultura religija;**
- 2 recenzenta za nastavni predmet **Engleski jezik;**
- 2 recenzenta za nastavni predmet **Njemački jezik;**
- 2 recenzenta za nastavni predmet **Francuski jezik;**
- 2 recenzenta za nastavni predmet **Turski jezik;**
- 2 recenzenta za nastavni predmet **Arapski jezik;**
- 2 recenzenta za nastavni predmet **Italijanski jezik;**
- 1 recenzent za nastavni predmet **Latinski jezik;**
- 2 recenzenta za nastavni predmet **Tjelesni i zdravstveni odgoj/Fizičko i zdravstveno vaspitanje;**
- 2 recenzenta za nastavni predmet **Likovna kultura;**
- 2 recenzenta za nastavni predmet **Muzička/Glazbena kultura;**
- 1 recenzent za nastavne predmete **Tehnička kultura, Osnove tehnike;**
- 2 recenzenta za nastavni predmet **Informatika;**
- 2 recenzenta za nastavne predmete u okviru IKT područja **Programiranje, Operativni sistemi, Baze podataka, Web dizajn, Sigurnost informacija, Razvoj mobilnih aplikacija, Računarske mreže;**
- 2 recenzenta za nastavni predmet **Islamska vjeronauka;**
- 2 recenzenta za nastavni predmet **Pravoslavna vjeronauka;**
- 2 recenzenta za nastavni predmet **Katolički vjeronauk.**

III.

Rok za podnošenje prijave za recenzente predmetnih kurikuluma za redovne osnovne škole i gimnazije u Zeničko-dobojskom kantonu je **29. oktobar 2021. godine**. Prijave se podnose na način da kandidati za recenzente dostavljaju svoj CV (životopis) i popunjen Prijavni obrazac-Prilog 1., koji je sastavni dio ovog javnog poziva, poštom na adresu: Ministarstvo za obrazovanje, nauku, kulturu i sport Zeničko-dobojskog kantona, Ulica Kučukovići br. 2, 72000 Zenica sa naznakom "Prijava na javni poziv za recenzente predmetnih kurikuluma u okviru Projekta 'Kvalitetno obrazovanje kroz kurikularnu reformu' -NE OTVARATI", a istu prijavu je potrebno skenirati i proslijediti na e-mail adresu ped.zavod@zdk.ba sa naprijed navedenom naznakom.

Nepotpune i neblagovremene prijave neće biti uzete u razmatranje.

Ostale informacije se mogu dobiti od strane Voditelja projektnih aktivnosti putem telefonskog broja: **032/460-850; 032/460-853**, odnosno putem e-maila ped.zavod@zdk.ba.



IV.

Izbor recenzenata predmetnih kurikuluma za redovne osnovne škole i gimnazije u Zeničko-dobojskom kantonu će obaviti Komisija koju imenuje Ministar Ministarstva za obrazovanje, nauku, kulturu i sport Zeničko-dobojskog kantona, najkasnije do **05.11.2021. godine**.

Za angažman recenzenata predmetnih kurikuluma za redovne osnovne škole i gimnazije u Zeničko-dobojskom kantonu, u okviru Projekta "Kvalitetno obrazovanje kroz kurikularnu reformu", u Budžetu Projekta je osigurana finansijska naknada.

Odabrani recenzenti će biti obaviješteni **08.11.2021. godine**, putem e-maila, o svim pojedinostima vezanim za sačinjavanje i potpisivanje ugovora sa resornim Ministarstvom, vremenskim okvirom za recenziranje, pristupu dokumentima predmetnih kurikuluma, obrascem za recenziranje i sl.

Broj: 10-34-15085-8/20
Datum: 07.10.2021. godine



MINISTAR
Prilaz: Spahija Kozlić

